

112 年全國語文競賽原住民族語朗讀 【萬大泰雅語】國小學生組 編號 4 號

cinik na minoh linlungan

ci'uli' paki' alang ga, ungat babahan makinbuti' nak mayanux.

maslalahur lu mararow yonani ka insa' na alang. ana ima' ka umalu' itan, as

ka kelan ka linlungan ta' cumik ci inalu' naha' uri.

pa'asun ta' carung ka inalu' itan ga, yaba' yaya' ta'. sa'aring ta'

mastuw , babali'un tani gunlasuw lu umalu' na yaba' yaya' ta'. halan tani

matu' gako', bali'un naha suntu'uy kora' ka a'usa' ta' rali'. angrat mumarah

umixul babiniy ci nani'un lu babingun na ule' naha'. kora' bini' naha ci ule'

ga, ini' na' ci cinik na ule'. a'ixul naha' kakaramas ka insa' na ule'. inalu'

na yaba' yaya' ga, yona karal kinwasti'. kani ga, as ka minoh linlungan rik

cumik ci inalu' naha.

luri ga sinsi', saringan ta' maruk gako' lunpuw ci patas laga, giyona

yaya' yaba' ta' ka sinsi' la. maki' ta' morow hang ga, pasba'an ta' kumaral

ci ke' na nabkis ta' hang. lunpuw ta' ci patas laga, sinsi' kora' ka pagilasuw

itan la. pasba'an tani' matox, lunpuw ci ke' na taluw, arat ga, bali'un tani

pasarit pasba' sasayotas matox ci nabkis ta'. suntu'uy ci a'usa' ta' rali'. ini'

na' ci cinik ka sinsi' uri. kani ka kelan tutux ka ke' maha “ utux rex

musinsi', sinsi' su' karirex ana nanu kanon la ma. ” mala'ulu' carung

pungan ka ke' hani. yona inu' pasba' itan ka sinsi'? pacin ta' linlungan kani

ka cubay hiya'!

ita' ci'uli' mayanux babuw raxal ga, pasaring ta' mastuw nanu' ta

muyaba' yaya' na ule' ga, ini' ta' pahnguw sunbaba' ci lanlamu' na insa'

kakayanux ta' la. as ta' ka yonani uri ga, kaca ka palaluhing ta' ci kinnuxan

micuw. minlu' ta' ini' bah sunbaba' ci ana amol ga, arat ta' pinbah

sunngala' ci insa' na ci'uli' la.

kani ga, kinanuxan ta', ma'as ta' ci rinanga' lu ginlasuw na nabkis ta'

lu sinsi' ga, iya' ta' rungiy ka rangi' lu ci'uli' rinow itan mumarah ta' tanux

uri'. ramas ka kinnuxan ta' laga, hali ta' cumik tikiy mi' ci inalu' ta' ka

ci'uli' makrail uri. paspuniy ta' ci inalu' ka raxal nel ta' kelan hani.

taxan ta' ka ci'uli' paki' alang banux hiya' ga, ana masisyaw ka

morow, ana matararal, ini' hari pakakuba' lu ini' papatissal uri'.

makakangungu' ci hahico' na ci'uli'? as nak kinlux makinbuti' morow,

pu'ing na muxal tunux ka yonani uri. ini' icaca ka itaral hiya'. pasaring

ragex sani nanu' ragex bukuy makakuba' kora' lu mapatissal.

112 年全國語文競賽原住民族語朗讀 【萬大泰雅語】國小學生組 編號 4 號

感恩的心

住在部落的人無法一個人生活，而是群聚在一起、相互幫忙，也因此我們應感恩受人照顧。

首先，我們最需要感謝的人是我們的父母親，因為父母親會照顧小孩，送他們去學校並協助好人生規劃，父母親所做的一切並不求孩子的回報，只希望他們過得好。

接下來我們要感謝的人就是老師，老師是除了父母親對我們最好的人，小時候可能受父母親的照護，進入學校之後，老師不僅教我們讀書、寫字、運動，也教我們怎麼做人，而且老師對學生的付出也是不求學生的回報。

除了父母親及老師之外，幫助我們的人非常多，因此我們真的要心存感激，等自己有能力的時候，我們就應該回饋需要幫助的人，把愛分享出去。